

谿上遺聞集錄

清尹元煒輯

下

進步書局校印



谿上遺聞集錄卷八

清 慈谿尹元煒青父輯

吾邑人物入本朝後科第勲名德業文章郡邑志所載寥寥無幾自雍正志後逮今又百有餘年其間賢達遽興豈無事跡可紀而老成凋謝文獻淪亡遂至一無可徵甚可嘆也姑即耳聞目見所及略著其概餘竢隨時採訪續補

國朝人物邑志已載者不復錄有邑志未載及載而不詳而詳載於郡志者亦不錄其有逸事為郡邑志所未載者仍錄之

王枚字卜子號訥如順治辛卯中順天鄉試舉人戊戌進士江西贛州府贛縣知縣贛衝邑舊例上官往來供奉責之戶書里甲凡百有九里歲且輸萬餘金供官外悉入諸吏囊橐枚首革去之往來供億悉自捐貲措備不以累民邑舊設差馬五十疋郡驛六十疋舉屬贛縣卒僉點殷實戶充馬夫分收之病斃責令賣補經過官役視諸馬夫鞭扑呵詈人不欲生往往多出金求免往例獄卒亦僉報民戶充役蠹書吏舞文其間擇肉而噬求免者費浮於馬夫枚曰獄卒何役也殷實家豈肯為此且重剝民無為也與馬夫一時報罷邑食嶺南鹽商勞而費倍淮鹽闌入境內者價稍

賤民多竊買食。以是商引壅積不得銷。前令往往畫地使售賣。或計口授食。為銷引計。枚以為二者皆病民不可行。令諸商引隨銷隨繳。有不完者自償之。每歲償公餉銀至二三十金。民以蘇。而枚亦以此負累。又教民墾荒田。不數年報至二千一百餘頃。康熙七年。吏部以科道員缺議行考選。知縣賢能俸深者。江西十三府首推枚。臺使者章既上。會丁母艱不果。服闋補陝西文縣知縣。文僻瘠小邑。正賊每歲不滿五千。而雜斂且加倍。正賦歸公家。而雜斂歸長吏。長吏急正賦。恒不如急雜斂。以故正賦反多通缺。枚下車。悉捐去雜斂。令第畢輸正賦。於是歲無通賦。其辦理茶鹽驛馬諸政。悉如治贛縣法行之。會滇黔告警。全蜀震動。繼以秦中之變。臨鞏岷階。嚴成西禮。環文皆為賊境。蜀寇又駸駸自碧峪入。防弁率兵盡逃。不得已。枚乃竄身山谷。險阻艱難。無不備嘗。遇大兵恢復。大帥趙某延之幕府。參畫機宜。蜀既定。提兵入滇。邀之同往。枚力辭。遂歸。間關數十里。抵家踰十年卒。枚孝友愷悌。急於義舉。先是勝國時。慈人之業。藝都門者眾。即客死。旅骨無所歸。時邑人之官於都者。太常姜公松槃。大司空張公曙海。大中丞姚公益城。馮公留仙。大司馬馮公穀仙。都諫阮公旭。清侍御姜公嵩愚。李公湘洲等。創為義冢於白家莊。為掩埋所。久之為土人所蠶食。不可問。

枚以順治戊子入長安。約同邑旅宦諸人鳴之當事。清出之。復為之計久遠。捐資繕周垣。建壯屋。設守者。至今旅櫬有所賴。人咸德之。生平為制舉藝。極工操觚。家莫不奉為模楷。贛邑諸生嘗為鐫板行世。又有毛詩遠百十餘卷。詩十餘卷。各種古文詞數種。俱未梓。

姜晉珪字桐侯。別字卓菴。以子宸英用薦入史館。支正七品俸。覃恩勅授文林郎。贈考妣如其階。卒葬夏家畧花。盆山之陽。秀水朱彝尊誌其墓曰。先生先世自蜀遷於越。居疎縣。再徙餘姚。復徙慈谿。曾祖國華。陝西參議。贈太僕寺少卿。祖應麟。給事中。贈太常寺卿。父司簡。戶部司務。先生少補儒學生員。貢於鄉。年三十七。不復應舉。研精理學。工詩。兼通六書。辨其源流。又嫻經世之略。性至孝。友愛諸弟。與人交愷易。然取與必以義。雖勢力不能奪也。太常公以廉節自勵。遺產僅百畝。司務君彙弟公受之。先生彙弟又三分之一。力不能給。饘粥兵後。家計益窘。無以為親養。乃游學北至燕趙。東浮洛。西游秦蜀。束脩所入。歸以養父母。配孫孺人。曲成其孝。一味不以自甘。必先進舅姑。曉問寢安否。庭闈燕行。靡以異。先生在家也。先生既違親舍。歲時恒望鄉遙拜。發為歌詩。多幽憂悱惻之言。音甚酸楚。今所傳泛鳧吟。棠是已。迨母向孺人歿。



先生適在旅次。訃至。嘔血數升。遂中失血症。服除。將之瑞州。道出常山。疾發。卒於草坪旅舍。時康熙十一年五月日也。年六十三。先生之執友張能信林三錫等交泣下。僉曰。君之事親可謂孝矣。君之高蹈可謂潔矣。遂私謚曰孝潔先生。

湛園先生。郡邑志皆有傳。而甚略。全謝山翰林院編修湛園姜先生墓表曰。先生諱宸英。字西溟。學者稱為湛園先生。慈谿人也。少工詩古文辭。其論文。以為周秦之際。莫衰於左傳。而盛於國策。聞者駭而莫之信也。及見其所作洋洋灑灑。隨意出之。無不合於律度。始皆心折。寧都魏叔子謂侯朝宗肆而不醇。汪名文醇而不肆。惟先生文兼乎醇肆之間。蓋實錄也。詩以少陵為宗。而參之蘇氏。以盡其變。當是時。聖祖仁皇帝潤色鴻業。留心文學。先生之名。遂達宸聽。一日謂侍臣曰。聞江南有三布衣。尚未仕耶。三布衣者。秀水朱先生竹垞。無錫嚴先生藕漁。及先生也。又嘗呼先生之字曰姜西溟。古文當今作者。於是京師之人來求文者。戶外屨恒滿。會徵博學鴻辭。東南人望。首及先生。掌院學士崑山葉公與長洲韓公相約。連名上薦。而葉公適以宣召入禁中。浹月既出。則已無及矣。於是三布衣者。取其二。而先生不與。翰林新城王公嘆曰。其命也夫。已而葉公總修明史。薦之入局。以翰林院纂修官。食七品俸。仍許

與試尋兼與一統志事。凡先生入闈。同考官無不急欲得先生者。顧倖得倖失。而先生亦疏縱累以醉後違科場格。致斥。又嘗於謝表中。用義山點竄堯典舜典二語。受卷官見而問曰。是語甚麗。其有出乎先生曰。義山詩。未讀耶。受卷官怒。高閣其卷。不復發騰。顧先生所以連蹇正不止此。常熟翁尚書者。先生之故人也。最重先生。是時枋臣方排睢州湯文正公。而尚書為祭酒。受枋臣旨。劾睢州為偽學。枋臣因擢之副詹事。以偪睢州。以睢州故兼詹事也。先生以文頭責之一日。而其文遍傳京師。尚書恨甚。顧枋臣有長子。多才求學於先生。枋臣以此頗欲援先生登朝。枋臣有幸僕曰安三。勢傾京師。內外官僚多事之。如舊史之夢山先生者。欲先生一假借之。而不得。枋臣之子。乘間言於先生曰。家君待先生厚。然而卒不得大有攸助。某以父子之間。亦不能為力者何也。蓋有人焉。願先生少施顏色。則事可立諧。某亦知斯言。非可以加之先生。然念先生老。宜降意焉。先生投盃而起曰。吾以汝為佳兒也。不料其無恥至此。絕不與通。於是枋臣之子。百計請罪於先生。始終執禮。而安三知之恨甚。枋臣遂與尚書同沮先生。崑山徐尚書罷官。猶領一統志事。即家置局。先生從之南歸。時貴之構崑山者。亦惡先生。願崑山雖退居。其氣力尚健。惓惓為先生通榜計。不倦。則

亦古人之遺也。康熙丁丑年七十矣。先生入闈。復違格。受卷官見之。歎曰。此老今年不第。將絕望而歸耳。為改正之。遂成進士。及奉大對。聖祖識其手書。特拔置第三人。賜及第授編修。先生以雄文碩學。困頓一生。姓名為天子所知者二十年。至能鑒別其墨蹟。雖有忌之者。而亦有大老吹噓。不遺餘力。乃篤老始登一第。其遭遇之奇。蓋世間所希。既登中祕。神明未衰。以為當膺廟堂大著作之任。以昌其文。乃甫二年。而以己卯試事。同官不飭。謫戍。牽連下吏。滿朝臣寮。皆知先生之無罪。顧以其事。涇渭各異。當自白。而不意先生遽病死。新城方為刑部。嘆曰。吾在西曹。顧使湛園以非罪死獄中。媿如何矣。先生居家孝友之行。粹然無間。與人交。悃悃不立城府。論文則媿媿不倦。書法尤入神。直追唐以前風格。生平無纖毫失德。故既死而惜之者。非徒以其文也。所著有湛園未定稿。章間集。皆行世。先生之文。最知名者。為明史稿刑法志。極言明中葉廠衛之害。淋漓痛切。以為後王殷鑒。一統志中諸論序。亦經世之文也。晚年尤嗜經學。始多說經之作。未及編入集中而卒。顧世人所知者。但先生之文。而茫然於其大節。豈知常熟一事。則歐陽充公之於高若訥。不足奇也。枋臣一事。則陳少南之於秦垣。殆有遜之。若始終不負崑山。則又其小焉者矣。區區徒以其文乎哉。

按謝山墓表。本係移國史館事實。所云先生下獄事。頗與吾邑故老傳聞異詞。故另述所聞於後。

湛園先生受聖祖特達之知。以丁丑探花。即與殿撰李蟠同主己卯北闈鄉試。先是同邑姚公觀。以應北闈試赴京。嘗以文請政於先生。先生大激賞。比入闈閱卷。先生性坦率。得一卷。喜甚。顧其僕曰。此必姚相公文也。再閱益喜。又顧其僕曰。此定姚相公文也。房考俱駭愕。及榜發。姚公果列魁選。於是御史鹿佑。遂奏恭先生徇私舞弊。奉旨下先生及李蟠於獄。此己卯九月間事也。聖祖特召姚觀於乾清門面試。閱其文甚佳。於是始信先生之無私。而崇尚未定。先生故在獄中也。會京師紛紛傳言。將以明年正月誅北闈主試先生。聞憂甚。適又傳旨。李某着發遣。先生自忖。事由於己。今李尚發遣。已必無生望矣。遂以庚辰正月日。飲藥而卒。會事曰。李發遣未數日。即召回。而先生則竟死獄中矣。聖祖甚惋惜之。曰。老姜全無辣氣。小李倒有甜頭。蓋李年尚少也。先生生明崇禎戊辰八月十九日。卒康熙庚辰正月二十一日。歸葬夏家畧花盆山。

朱竹垞書姜編修手書帖子後。吾友慈谿姜西溟。以古文辭。馳譽江表。書法亦通神。



老而不遇予。嘗勸其罷試鄉闈。西溟怒不答也。平生不食豕。兼惡人食豕。一日予戲語之曰。假有人注鄉貢進士榜。蒸豕一牀。曰食之。則以淡墨書子名。子其食之乎。西溟笑曰。非馬肝也。年七十。果以第三人及第。楚詞所謂年既老而不衰者矣。江都程子嵩亭。夙愛其書法。查浦編修。因以笥中冊贈之。觀其機織瘦硬。靡不合度。嵩亭幸無飲缸面酒。為人所賺也。

吾邑世家之久。未有若鶴浦鄭氏者。自明洪水以來。代有聞人。至濮州益著。濮州名滿。號勉齋。知濮州有善政。載邑志。詳見萬貞一所作墓表傳。十一世而為高州府梁梁字禹梅。號寒村。事詳郡邑志。其論文曰。古文之不講於世久矣。經生之胸。知有比偶。幕客之技。止於應酬。勸偈語以文固陋者。自說山林。奉選體以為宗工者。說言臺閣。苟有語及古文。有不駭之為怪魁乎。即以吾邑而論。自開闢以迄今茲。其附名儒林者何限。然邑志文苑中所載。任闕諸虞所作多軼不傳。慶厯之先生。淳熙之君子。又不以文著。舒宣彬彬。擯於清議。其最著者黃文潔一人耳。元明以來。夢堂李照之稿。不可復得。余所得見者。烏春草。桂清溪。陳澹然。姚東泉父子。及先大夫勉齋集。俱有法度可觀。數十年中。家大人以遺民著述於林泉。孫介夫。姜西溟。馮元公。以遊學

鼓吹於當世。如此而已。此無他故。古文一道。非讀書而有得於心。窮原造化之精微。通達當世之變故。則不足以與於斯事。而人情期於苟得。多不悅學。往往自棄於斯文之外而不惜也。觀寒村所言。則吾邑古文之衰。由來已久。今則更寥寥絕響矣。鄧萬充宗曰。吾友鄭子禹梅所為時文。皆任意展舒。不趨時好。人之嗤之者。謂其飲酒而取醢。食肉而取董。必不得行。且窮餓禹梅笑曰。人惟不善用。故酒亦醢。肉亦董也。用之誠善。則醢與董皆酒肉矣。

胡亦堂。字質明。號二齋。順治辛卯舉人。由縣令行取主事。令宜豐時經年。弊釐利舉。境內無事。日集諸生講論。口授指畫。絃誦聲徹閭巷。嘗有詩義刻。湛園為之序。表殷玉其壻也。

孫口口。字冰維。所著有澗中稿。鄭寒村為之序曰。冰維澗中稿。余受而讀之。味其性情。意知之解。春王正月之案。無極太極之駁正。多讀書而求甚解。殊非苟作者比。因嘆慈谿百里。不謂碌碌瓦缶中。忽見此古墨洗心甚異之哀。心翼曰。冰維盆山老儒。彭學使曾以儒逆題贈。生平嗜古力學。年七十有九。猶手不釋卷。向攻舉業不售。去遊燕臺。已抵劔閣。久之里居。間有述作。歉然不以示人。余念冰維託志考槃。潛心卷

軸以優游樂道之天趣。發性情自得之文章。雖人之耳目不同。而心之嗜好則一。乃雖有方厓彭先生之品題。而知之者卒鮮。久且其名亦泯沒無聞。序之亦以志吾鄉里間之尚有人焉爾。

姚觀字聖在。號晦菴。康熙己卯。順天鄉試亞魁。時湛園為鹿佑所劾。下獄。聖祖特召觀於乾清門。親試文成。呈御覽。聖祖甚喜之。然先生故數奇。試南宮者十二。膺薦者七卒不第。後循資。僅選霍山縣知縣。未赴也。有姚介白者。大猾。先生從兄弟也。世宗在藩邸時。嘗識之。及登極。有旨嚴捕逮治。時先生方在家。邑令忽招飲。先生欣然赴之。席終。令曰。有旨抄查君家。并逮君。先生歸。則家中箱篋等俱倒翻搜徧。蓋世宗恐有手跡。或在其家也。先生遂即日就道。抵京。陛見。世宗問何官。曰。新選霍山縣知縣。世宗曰。汝兄弟不好。做不得官。先生故草茅迂野。率對有管蔡為戮。周公右王語。世宗大怒。執硃筆。連呼曰。發發發。未乃曰。發回原籍。時廷臣皆為之失色。而先生自若也。既南歸。居常惟以文字自娛。訓課子弟。優游里社。年八十一。卒於家。先太孺人姚氏。外孫女也。幼嘗育於姚。猶及見先生。暮年在家。無一日不作文。家人以米餒奉之。別置餬以待醺。會先生文興正酣。遂醺於硯池以食。亦無暇辨其味也。

家人竊窺之則滿面墨污宛然如世所繪鍾馗狀矣其風致有如此

裘璉字殷玉府志有傳著有橫山集江村高士奇稱其文澁澹閑肆得大家之神其排偶樂府及古今各體詩秀麗渾雄要歸大雅史論獨出心裁譏彈無枉尤為尚論所宗至其留連風雅寄託遙深明翠湖亭一編更極才人之致諷詠再三觀止興嘆視他家擗捨割裂或僅得其一端者猶夏蟲之不可語冰矣康熙庚午崑山徐司寇乾學奉旨開書局於洞庭問東南佳士於梨洲黃先生先生首屈指璉璉至則分纂一統志志三楚人物最工且速司寇覽而偉之謂昔人十五國春秋無如此整齊慎核者

先生以康熙五十四年乙未進士殿試三甲第一欽賜傳臚時年已七十二矣先是壬辰歲先生過當湖訪高編修巽亭聞明年萬壽高令先生作萬壽昇平樂府於是填辭一本分齣十有二編修具摺進呈先生名由是得上達癸巳聖祖避暑熱河問編修曰汝去年所進樂府此人在京否編修以在浙對遂令人促先生入都甲午遂魁北闈鄉榜榜進呈聖祖覽榜喜曰裘璉中矣次年殿試先生以對策失檢行黜矣聖祖知之對近侍嘆息至讀卷期滿中堂蕭公松公向同列曰將裘璉卷另檢出來



太倉相國王公對曰。表連卷遠式已檢出矣。兩公齊曰。既錯。我等一同啟奏。於是王公偕大司農武進趙公。私相商曰。表連且莫置錯。卷列姑置之。三甲未洎臨御閱卷。聖祖忽問曰。聞交卷日。有一老進士。以卷中失誤痛哭而出。知其人否。太倉對不知其人。聖祖曰。莫是表連對曰。臣初不知。今應是矣。遂問他卷如何錯。王公對多寫了幾行。曰。多寫幾行。何妨。取卷來與朕看。纔覽數行曰。策甚好。字亦端楷。儘著前頭放去。王趙二公共奏二甲。前俱擬就。惟三甲以下未定。於是以先生為三甲第一名。三甲第一。從來無有為傳臚者。於時聖祖特賜先生傳臚。授翰林院檢討。先生有恭紀聖恩錄。真非常異數也。

按先生與湛園先生。生平極相類。俱以儒生受聖祖知。俱以暮年得第。得第後。湛園旋以事卒於請室。先生致仕歸。雍正初。亦以崑山三徐事。株及被逮。卒於燕邸。士論惜之。本懷識。

周近梁。字宏濟。號皋懷。又號邁園。副使曾發第四子也。府志有傳。未詳。初曾發官京師。因母年高在家。先遣其妻向孺人歸里奉侍。於淮安舟次。生近梁。近梁生而顯異。七歲能為詩。九歲即善屬文。弱冠淹通經史。及諸子百家書。慨然有志聖賢經世文。

學不屑汨沒於舉業。二十一補博士弟子員。二十四領鄉薦。四十成進士。越數年知河南陳留縣事。其政績已略見郡志。中州弊政。自中丞李文貞公振刷後。雖漸次革除。而尚有未盡去者。如司道府廳。每年一二次不等。將疲瘠之馬。高其價值。發給州縣。而州縣更為之浮開。發之里遞。照數完納。其有貧不繳者。則勒限比催。近梁曰。此殘民以媚上。吾必不為。每遇發馬到縣。則必為之詳辨婉辭。不允。則寧捐已資以繳。其後上官亦諒之。發馬漸減。御史某者。疏論行取知縣考選科道事。九卿會議。將行。取知縣以各部主事補用。方准考選。初任之中行評博。亦候陞主事。方准考選。嗣後考選科道時。將正途出身之郎中員外主事。令各堂官保送。近梁執奏。以為科道之設。所以稽察部院。若外而知縣內。而中行評博。必令皆為各部之屬官。郎中員外又歷轉各部。不止為一部之屬官。又必令堂官保送。則科道皆由部堂引用之人。以部堂引用本部之屬官。而使之譏察部事。其中未便之處。難逃聖明之洞鑒矣。著為定例。則各部同官。知堂官有保舉之權。平日承望風旨。在部既不能執正以爭部內之事。及至保送營求請託。勢所必至。查考選定例。止用歷俸二年之主事。不用郎中員外者。取其為屬官未久。無所瞻徇。而在外之知縣。在內之中行評博。亦皆用初涉仕途。

之人顧忌尚少。委以執法之任。互相覺察。直陳則偏徇蒙蔽之弊自絕。朝廷立法。自有深意。豈可輕議變更。近梁以此稿示九卿。皆相顧愕然。近梁知九卿意不可回。遂不下署。其後上卒從近梁言。考選科道。不准部院保舉。漢軍御史某奉差巡城。據俞之桂等呈題請頂捐馬匹。近梁奏從前捐馬之案。原因軍需孔亟不得已行此權宜之計。今海宇蕩平。久經注銷。俞之桂等突請頂改。查此案五十餘人。現在者寥寥無幾。其餘俱係光棍假冒親屬混行呈請。若一准行。則奸徒得因此射利。大非我皇上慎重名器之心。臣思我皇上至聖至明。屢諭廷臣。謂捐例必不可開。而市井駟僧之徒。猶且以得銀數十萬兩。冀聳宸聽。臺臣奉命巡城。不思剔弊除奸。反據此等呈詞妄行入告。上損國體。下亂官常。尤為溺職乞嚴加處分。庶天下曉然知聖意之所在。而言利之臣不敢紛紛競進矣。御史遂受譴。近梁直聲震於一時。時湖廣學臣有為財用計。而欲為富室另開童子捐納例者。近梁直疏叅其悖謬五事。其略曰。捐納一途。原係一時權宜。我皇上屢諭羣臣。謂必不可開。大哉王言。人人共曉。況入學為士子。進身之階。國家斯文所係。尤不可濫者乎。前因三逆未靖。軍興孔亟。皇上不得已勉徇部議。暫行一時。永行禁止在案。今萬方寧謐。文治日隆。某身為學臣。不思遵

拔真才振興文教以盡職掌。反稱捐納生員行之有五便。臣請一一陳其悖謬云云。疏上。議遂不行。近梁見當世講學之流。謬託師承。依傍門戶。轉相附和。以標世炫名者。深痛絕之。其為學務以實踐為主。不肯與人講會。幼即能詩。晚年尤致力。鄭寒村序其詩。謂博雅根據。千鍾百鍊。而撫時悼世。感喟無窮。與人交。坦白無畦畛。而胸中井井不可亂。所著有四書大小題稿。詩經文稿。經史類纂。閩史隨筆。皋懷詩稿。初集二集。娛憂內外集。及議稿疏稿。類著雜文若干卷。

王象治。字予授。康熙壬午舉人。父金芝。兄弟五人。惟之忠厚篤實。恂恂善下。有弟名聚三者。與姚氏構釁。禍延長兄。時有波及之憂。象治時年十二。逃難至剡縣地方。時值秋冬之際。村民以枵枵子為業。象治隨眾往枵。獨懷舊書一本。隨讀隨枵。村人聚觀咸異之。母趙以象治之出亡也。日夜號泣。至於失明。一日聞後堂石版履聲。意其為象治也。出而呼之。雙目忽明。而象治果歸矣。願學使光敷。與象治為文章。知己。最投契。嘗延象治進署。評閱試卷。時象治有內弟袁宗彝。業儒。以仁錢籍應試。囑其內應。象治正色曰。但能作佳文。無不拔取。若關節等事。吾不為也。其持正類如此。鄭性。字義門。號南溪。祖副使濤。父知高州府。梁以明經。應受籍於選部。不赴。嘗自署



曰五嶽遊人。其學以南雷為宗。然亦有不盡合於南雷者。至其孤標篤行。持力之嚴。則真南雷世嫡也。先是高州欲立祠於家。以祀南雷而不果。性成其志。築二老閣於所居東。以祀南雷。及王父秦川觀察。春秋仲丁。祭以少牢。生平好施予。西成所入。惠及三族。蓋數十家。待以舉火。有佃人負租。詢之知為慈湖先生之後。盡捐之。德潤義學。向無田。性為捐田三十畝。至今人蒙其利。與全謝山交最善。謝山有五嶽遊人穿中柱文。又有同陳南皋李甘谷合作五嶽遊人哀詞。

葉亮字敬六。康熙己丑進士。知山東定陶縣。初至縣。小侵請賑。格於例。迺貸數百金為倡。置廠分給。民德之。定陶為濟水所逕。故渠漸淤。為疏鑿下流。以大湖為瀦。遂無泛濫之患。善聽斷。屢奉檄。謝旁縣疑獄。曹縣民甲殺人而誣乙。獄具矣。亮覆覈。夢神示以鏡曰。殺人者鏡中人。亮曰。鏡中人即對鏡人。得非甲自殺乎。鞠之立服。設義學以課士。多所成就。調霑化縣。告歸。

按亮邑鳴鶴場人。以仁和籍中式。故杭州府志載之。有傳。

姚希范字任夫。號陟屺。又號小山。雍正壬子舉人。丁巳明通榜進士。官金華府永康縣教諭。陞四川叙州府隆昌縣知縣。希范少孤。力學。師事世父聖在。學有淵源。為文